



Inatsisartuni ilaasortaq Stine Egede, Inuit Ataqaqatigiit

Angerlarsimaffeqanngitsut pillugit § 37 naapertorlugu apeqquteqaammumt 2018-271-imut akissut

30-10-2018
Suliaq nr.: 2018 - 21124
Id nr. 8978418

Inatsisartut suleriaasianni § 37 naapertorlugu apeqquteqaatinut nassiussannut qujanaq. Apeqqutit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk

Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Apeqqut 1. Angerlarsimaffeqanngitsunut inissialiassat inissiat 100 sumut killippat?

Akissut: Inatsisartut 2016-imi ukiakkut ataatsimiinnerminni imm. 44, angerlarsimaffeqanngitsunut inissiaagallartussanik sanaartornissap aningaasalersornissaannut najoqqutassamik saqqummiussinissamut siunnersuummut tunngasoq suliarimassuk ilumoorpoq.

Siunnersuutip saqqummiunneqarneranut atatillugu Inatsisartut Sanaartornermut Ataatsimiititaliaat siunnersuutip aappassanneernejarnissaanut isumaliutissiissummik saqqummiussaqqarpoq, tassanilu imatut allassimasoqqarpoq: "Imm. UKA 2016/44-mut atatillugu ataatsimiititaliap tunngaviliussaa tassaavoq, inassutigineqartoq tassaangitsaq inissianut 100-norpiaq aningaasalersueriaasissaq, kisiannili tigussaasumik pisariaqartitsineq kommunit suleqatigalugit paasinierneqassasoq."

Aamma isumaliutissiissummi allassimavoq: "Ataatsimiititaliap paasinninnera malillugu najukkami inissianik sanaartornerit nutaat kiisalu inissiat nutarterneqartut amerlassusiat innuttaasut agguataarnerisa allanngoriartornerat aallaavigalugu pisariaqartitsinerit Ineqarnermik pilersaarusiassami ilarpassuulu ilanngullugit naleqqussagaassasut tunngaviliunneqassasullu."

Naalakkersuisut Namminersorlutik Oqartussat inissiaataannut pilersaarummik suliaqareerput. Kommunit maanna inissianut kommuninit pigineqartunut pilersaarusiuleruttorput. Immikkoortumut pilersaarutit Namminersorlutik Oqartussat inissiaataasa kommuninut tunniunneqarnissaannut pilersaaruteqarnermut atatillugu kommunit aamma Namminersorlutik Oqartussat akornanni isumaqatiginninniarnernut atorneqassapput.

Aamma immikkoortumut pilersaarutit sumiiffinni ataasiakkaani inissianik pisariaqartitsinerimik pingaarnermik suliassaqqarfiit akimorlugit paasissutissiiviussapput. Inissianik pilersuineq aamma inissiat innuttaasut katitigaanerit sanilliullugu katitigaanerit tunngavigalugit iluarsaassinermi nutaanillu sanaartornermi suliniutissanut sanilliussilluni annertunerusumik aammalu suliassaqqarfiit akimorlugit tulleriarisooqarsinnaavoq. Tassalu ilaatigut sumi inissianik sinnilinnik peqartoqarnerisooq aammalu sumi inissianik amerlanerusunik pisariaqartitsisoqarnerisooq paasinierneqarsinnaalissaaq.

Taamaattumik kommunit tamarmik immikkoortumut pilersaarusiarnikk naammassinninnissaannut, taamaalillunilu paasisassat pisariaqartut pissarsiarinissaannut Naalackersuisut qilanaarput.

Apeqqu 2. Qaqugu angerlarsimaffeqanngitsut siulliit naatsorsuutigisinnaavaat inissianut pineqartunut nutserinnaanissartik?

Akissut: Apeqqu 1-imut akissut takuuk.

Apeqqu 3. Naalackersuisut angerlarsimaffeqanngitsut angerlarsimaffiliornissaannut qanoq pilersaaruteqarpap?

Akissut: Inatsisartut aningaasanut inatsisini kingullerni Namminersorlutik Oqartussat inissiaataannik kommunit tunniussinissaq pillugu isumaqatiginninniarnissamut Naalackersuisut piginnaatippaat. Tamatuma 1. januar 2020-mi pinissaa naatsorsuutigineqarpoq.

Taamaattumik apeqqu kommunit suleqatigalugit naliliiffigineqassaaq, tassungalu ilanngullugu inissianik attartortittakkanik, angerlarsimaffeqanngitsunut inissiaagallartunut allanngortinneqarsinnaasunik peqarnersoq misissuisoqassaaq. Kommunit angerlarsimaffeqanngitsunut unnuisarfinnut, taakkulu ingerlanneqarnerinut aserfallatsaalineqarnerinullu aningaasartuutitut akisussaasuunerat tamatumunnga tungavigineqarpoq.

Neriuppunga matuma siuliani apeqqu titit akisimassallugit.

Inussiarnersumik inuulluaqqusillunga

Kim Kielsen